

FRANCISCO CACHARRO GOSENDE, SECRETARIO XERAL DA DEPUTACIÓN PROVINCIAL DE OURENSE:

C E R T I F I C O: Que o Pleno da Corporación Provincial, en sesión ordinaria do día **21 de decembro de 2018**, adoptou, co voto favorable do Grupo Popular (14) e do Grupo Socialista (8) e abstención de Democracia Ourenzana (1) e do BNG (1), o seguinte acordo:

PROGRAMA BENOURENSE DE COOPERACIÓN ECONÓMICA COAS ENTIDADES LOCAIS DA PROVINCIA PARA O SERVIZO DE AXUDA NO FOGAR BÁSICO NO EXERCICIO 2019.

1º) Aprobar inicialmente o Programa BenOurense de Cooperación Económica coas Entidades Locais da Provincia para o Servizo de Axuda no Fogar Básico no exercicio 2019, conforme coas seguintes bases reguladoras:

I.- Obxecto, fundamento competencial e dotación orzamentaria.

O Programa BenOurense SAF básico regula a concesión de subvencións en réxime de concorrencia non competitiva destinadas ás entidades locais da provincia de Ourense de menos de 20.000 habitantes que presten o servizo de atención no fogar básico (SAF básico). Inclúense tamén as mancomunidades intermunicipais que xestionen servizos sociais dun conxunto de municipios con menos de 20.000 habitantes, ao tratarse de meras entidades instrumentais dos concellos que exercen competencias delegadas por aqueles.

O presente programa establécese no exercicio das competencias atribuídas á Deputación polos artigos 36.1.b) da Lei 7/1985, de 2 de abril, de bases do réxime local, 109.1.b) da Lei 5/1997, do 22 de xullo, de administración local de Galicia, 63 da Lei 13/2008, do 3 de decembro, de servizos sociais de Galicia e 31 do Decreto 99/2012, do 16 de marzo, modificado polo Decreto 148/2014, de 6 de novembro, polo que se regulan os servizos sociais comunitarios e o seu financiamento.

Para a concesión destas axudas reservase un crédito, dentro da partida orzamentaria 23111 46200 de novecentos mil catrocentos oitenta e nove euros (900.489€).

II .- Beneficiarios.

Tendo en conta o disposto no artigo 31.3 do Decreto 99/2012, do 16 de marzo, modificado polo Decreto 148/2014, de 6 de novembro, a Deputación subvencionará, a través

deste programa, ás entidades locais da provincia de Ourense, de menos de 20.000 habitantes, que presten o SAF básico, tanto nos supostos de xestión directa como de xestión indirecta do servizo.

Considérase SAF básico para os efectos deste programa aquel cuxas persoas usuarias accedan ao servizo en réxime de libre concorrència. Considerarase tamén como persoas usuarias en réxime de libre concorrència ás persoas que teñan recoñecido o estatuto de persoas dependentes no marco da Lei 39/2006, de 14 de decembro, de Promoción da Autonomía Persoa e Atención ás persoas en situación de dependencia, en tanto o seu programa de atención individualizada (P.I.A), non goce de efectividade.

III. - Contía da subvención.

1. O importe da subvención por entidade local determínase da forma seguinte:

a) Tramo fixo: asígnase un primeiro tramo fixo según o grado no que esté clasificado o concello adherido. Os concellos aparecen clasificados por graos no anexo II.

b) Tramo variable: para o cálculo deste tramo aplicarase a ratio de cobertura por habitante recollido no anexo III do Decreto 99/2012, do 16 de marzo, modificado polo Decreto 148/2014, de 6 de novembro, asignándose un importe por unidade de convivencia resultante de dividi-lo crédito orzamentario dispoñible – logo de restarlle o importe total destinado ó tramo fixo-, entre o número de unidades existentes, conforme co seguinte:

b.1) Concellos de áreas caracterizadas como semiurbanas:

- De 10.000 a 20.000 habitantes: 1 unidade de convivencia atendida por cada 400 habitantes.

- Menos de 10.000 habitantes: 1 unidade de convivencia atendida por cada 350 habitantes.

b.2) Concellos de áreas caracterizadas como áreas rurais:

- De 12.000 a 20.000: 1 unidade de convivencia atendida por cada 250 habitantes.

- Menos de 12.000: 1 unidade de convivencia atendida por cada 175 habitantes.

-b.3) Concellos de áreas rurais de alta dispersión: 1 unidade de convivencia por cada 75 habitantes.

Nos supostos en que o SAF básico sexa prestado por mancomunidades, a contía será o resultado de suma - las cantidades correspondentes dos distintos concellos que a integran.

O cadro de distribución inicial das subvencións por entidades beneficiarias, cos importes correspondentes conforme coas regras precedentes, figura como anexo III do presente Programa.

2. A contía máxima inicial prevista por entidade local - que aparece recollida no anexo III deste programa-, queda condicionada a que esta contía non supere o custo neto do SAF básico para a entidade local calculado conforme as regras seguintes:

a) Xestión directa do servizo:

O custo total do SAF estará determinado pola suma dos seguintes custos:

- O custo total do persoal auxiliar de axuda no fogar (básico e dependencia).
- O custo dos desprazamentos do persoal de axuda no fogar (básico e dependencia).
- O 10 % da suma dos importes anteriores, en concepto de gastos xerais.

A partir do custo do SAF total determinarase o custo bruto do SAF básico multiplicando o custo do SAF total (básico e dependencia), polo número de horas de servizos prestados de SAF básico, e dividindo o resultado entre o número de horas de servizos prestados do SAF total.

Obtido o custo bruto do SAF básico, o seu custo neto será a diferenza entre o custo bruto e os ingresos liquidados pola entidade local (ou entidade que xestione o servizo por conta da entidade local) en concepto de taxas ou prezos públicos pola súa prestación.

b) Xestión indirecta do servizo: o custo neto do SAF básico determinarase multiplicando o número de horas de servizo prestadas pola empresa adjudicataria polo prezo unitario por hora establecido no contrato administrativo correspondente. No caso de que o contrato administrativo non estableza ese prezo unitario, este será determinado pola Deputación Provincial coa información subministrada pola entidade local interesada.

A determinación do custo neto do SAF básico realizarase unicamente a través da xeración automática da certificación a través da plataforma informática, sendo a contía reflectida na certificación o gasto efectivamente xustificado para os efectos deste programa.

IV.- Procedemento de adhesión dos concellos e mancomunidades.

Ao abeiro do establecido na Lei 39/2015 de 1 de outubro, do Procedemento Administrativo Común das Administracións Públicas, no artigo 14.2, a presentación de

solicitudes tramitarse exclusivamente mediante o uso de medios electrónicos, sendo obrigatoria a presentación de solicitudes conforme co previsto nesta base.

Os concellos e mancomunidades interesados en participar no Programa deberán comunicarlle a súa adhesión á Deputación Provincial, mediante resolución da Alcaldía (ou órgano delegado, se é o caso), na que se manifieste expresamente a asunción das obrigas e compromisos previstos no Programa, para o que deberán utilizar obrigatoriamente os modelos facilitados pola Deputación e que deberán ser descargados na aplicación informática <http://benourense.depourense.es> .

A comunicación da adhesión asinarase dixitalmente polo/a alcalde/alcaldesa, presidente/a ou secretario/a da entidade local e remitirase telematicamente a través da plataforma no prazo máximo de quince días hábiles contados dende o día seguinte ó de publicación da convocatoria no Boletín Oficial da Provincia. Non se admitirá ningunha solicitude de adhesión formulada en data posterior.

A Deputación Provincial poderá conceder un prazo de ata 10 días hábiles para a corrección de deficiencias nas solicitudes de adhesión.

A presentación da solicitude telemática en tempo e forma determinará a adhesión da entidade local ao Programa, sen necesidade de máis trámites. Sen prexuízo do anterior, e para os efectos de publicidade, as subvencións concedidas e os seus importes declararanse expresamente mediante resolución da Presidencia que será obxecto de publicación no BOP. Nesta mesma resolución da Presidencia denegarase a adhesión a aquelas entidades cuxa solicitude non se axuste ao establecido no presente Programa ou no modelo de adhesión.

A adhesión das entidades locais beneficiarias constitúe un requisito de efectividade do Programa, polo que as entidades locais que non se adhiran no prazo sinalado no parágrafo anterior se entenderá que renuncian a participar no Programa, causando baixa automática nas súas previsións. Neste suposto, os remanentes de co -financiamento non utilizados incrementarán de forma lineal o importe total asignado ós concellos clasificados en grao III, de forma que a contía total do remanente dividirase entre o número de concellos de grao III e a contía resultante será na que se incremente a contía xa recollida para cada un destes concellos no anexo III destas bases.

Coa adhesión, os concellos e mancomunidades manifestarán expresamente a asunción das obrigas previstas neste programa e, de forma específica, a aceptación das normas de uso da plataforma informática <http://benourense.depourense.es> no programa de SAF básico.

V.- Réxime xurídico.

De conformidade co establecido na disposición adicional 8ª da Lei xeral de subvencións e no artigo 10 da Ordenanza xeral de subvencións da Deputación de Ourense, as subvencións previstas no presente Programa rexeranse polo establecido nas presentes bases, sendo as normas da Lei xeral de subvencións e da dita Ordenanza de aplicación supletoria.

Non obstante o anterior, serán de aplicación as normas xerais das subvencións da Deputación en todo o relativo á xustificación, reintegro, perda do dereito á subvención e control financeiro, no que non contradiga expresamente o establecido nas presentes bases.

VI.- Xustificación e pagamento.

A subvención prevista no presente Programa entenderanse automaticamente concedida ás entidades locais adheridas regularmente conforme coa base IV, procedéndose á súa xustificación e pagamento nos seguintes termos:

1. Pago anticipado a conta da xustificación final:

Antes do 1 de abril, a Deputación Provincial procederá, de oficio, ao libramento, en concepto de anticipo a xustificar, do 70 % do importe total de subvención previsto a cada concello. O 30% restante aboaráselle unha vez remitida a xustificación final conforme o previsto nestas bases.

2.Xustificación e pago final.

A xustificación da subvención realizarase de modo sucesivo e con periodicidade mensual, mediante o emprego da plataforma informática <http://benourense.depourense.es>, do seguinte xeito:

a) Antes do día 10 de cada mes, a entidade local introducirá na plataforma as previsións relativas á prestación do servizo (usuarios, persoal adscrito, horas de prestación) correspondentes ao mes en curso.

b) Posteriormente, a medida que se vaian producindo, as entidades locais introducirán na dita plataforma as modificacións dos datos que se produzan con respecto ás previsións

inicialmente comunicadas. En todo caso, antes do día 10 do mes seguinte ao da prestación dos servizos deberán introducirse a totalidade das modificacións producidas, debendo terse comunicado nese prazo a través da plataforma os datos definitivos de prestación do servizo. Concluído o prazo sinalado, non se poderán introducir novos datos no sistema, agás que se acredite causa xustificativa que impedisese a súa introdución en prazo. Neste suposto, a entidade local interesada deberá solicitar da Presidencia autorización para a introdución extemporánea dos datos. A Presidencia resolverá de modo motivado estas solicitudes, estimándoas no caso de que se aprecie a existencia de causa xustificativa da demora, habilitando ao seu través un prazo suplementario para a introdución ou corrección dos datos de que se trate.

c) O sistema automatizará a emisión da certificación final sempre que se teñan cumprimentados os datos conforme o procedemento descrito anteriormente. Esta certificación remitirase telematicamente, asinada electronicamente polo funcionario responsable dos servizos de intervención da entidade beneficiaria, a través do propio sistema ata o 31 de novembro de 2019.

Para proceder a este libramento tanto na fase de anticipo como de pago final, as entidades adheridas deberán estar ao día nas súas obrigas tributarias estatais e autonómicas e coa Seguridade Social, para o que presentarán certificacións que así o acrediten salvo que autoricen á Deputación de Ourense a consultalo automaticamente a través da plataforma de intermediación de datos, para o que deberán cumprimentar o anexo IV destas bases reguladoras.

Excepcionalmente, se por calquera razón non se puidese acceder á consulta automatizada destes datos, solicitarase á entidade que os engada telematicamente con carácter anterior ó libramento do anticipo.

Aquelas entidades que non presenten a xustificación unha vez finalizado o prazo final previsto nestas bases, terán unha penalización equivalente ó 30% da subvención no caso de que finalmente xustifiquen a subvención, ao abeiro do previsto no artigo 70.3 do Regulamento da Lei Xeral de Subvencións.

VII.- Obrigas de reintegro e perda do dereito a cobro.

A Deputación Provincial poderá declarar a obriga de reintegro ou a perda do dereito ao cobro da subvención, segundo proceda, por calquera das causas previstas na lexislación xeral de subvencións e nas bases do presente programa.

Non obstante o anterior, non será necesaria a tramitación do expediente de reintegro ou de perda do dereito a cobro nos supostos en que o importe do gasto xustificado (correspondente o custo neto do SAF básico) polas entidades locais beneficiarias sexa inferior á contía inicial máxima da subvención prevista no presente programa. Neste supostos, a cantidade que deberá aboarse reaxustarase automaticamente segundo proceda, compensándose do mesmo xeito co anticipo librado, de se-lo caso.

VIII.- Control financeiro das subvencións.

Sen prexuízo das obrigas de xustificación impostas aos beneficiarios, as actuacións de prestación de servizos sociais comunitarios das entidades locais adheridas que constitúen o obxecto das subvencións previstas no presente Programa quedarán suxeitas as actuacións de control financeiro que poida acordar a Intervención da Deputación, ao longo dos exercicios 2019 e 2020. O control financeiro incluírá actuación de supervisión e control das actividades subvencionadas, tanto no relativo a prestación dos servizos como á súa xestión e tramitación administrativa. Os controis serán realizados por persoal da Área de Benestar, baixo a dirección da Intervención provincial, conforme co establecido na Lei xeral de subvencións e, en función dos seus resultados, poderá dar lugar á apertura de expediente de reintegro no suposto en que ao seu través se detectase a concorrencia dalgunha das causas legais de reintegro previstas na lexislación vixente.

O sometemento a control financeiro das entidades adheridas ao programa poderá ter carácter xeral para todas elas ou ben limitarse a unha mostra aleatoria de cando menos dez entidades, que serán determinadas mediante sorteo realizado en acto público, cuxa celebración anunciarase coa debida antelación na sede electrónica da Deputación Provincial. O resultado do sorteo e o inicio das actuacións de control financeiro comunicarase ás entidades afectadas cunha antelación mínima de quince días naturais respecto da data do inicio das actuacións inspectoras. En todo, a Intervención provincial dará conta á Presidencia tanto da decisión de someter a control financeiro o programa como do contido das actuacións realizadas.

IX.- Obrigas de información e publicidade das entidades locais adheridas:

Con independencia da obriga de sometemento ao control financeiro previsto na base xeral anterior, as entidades locais adheridas ao presente programa estarán obrigadas a:

1.- Facilitarlles aos servizos da Deputación Provincial toda a información relativa ao funcionamento do SAF básico que se lles demande. A negativa a facilitar esta información, ou a demora inxustificada no seu envío, poderá lugar á exclusión da entidade local do presente Programa, coa conseguinte perda do dereito a cobro ou reintegro, segundo proceda, das subvencións percibidas ou concedidas ao seu abeiro, ou ao reintegro ou perda parcial do ditos dereitos, en función da gravidade do incumprimento. A declaración de reintegro ou perda total ou parcial do dereito á subvención será resolta pola Presidencia da Deputación, trala tramitación previa do oportuno expediente contradictorio con audiencia da entidade interesada.

2.- A identificar o servizo co- financiado pola Deputación de Ourense, dende o momento en que se publique a resolución de concesión da subvención no Boletín Oficial da Provincia de Ourense. Transcorridos quince días dende esta publicación remitirase telematicamente á Deputación de Ourense fotografías nas que conste a identificación do servizo como cofinanciado pola Deputación e que responderá as normas de información e publicidade que se farán chegar pola Deputación de Ourense para que sexan observadas polas entidades adheridas. O incumprimento das obrigas de publicidade dará lugar ao reintegro ou perda do dereito ao cobro da subvención, con carácter parcial, e ata un importe do 20 % da subvención concedida, determinándose de conformidade co principio de proporcionalidade e en atención á gravidade do incumprimento comprobado. A declaración da obriga de reintegro ou da perda do dereito ao cobro da subvención realizarase por resolución da Presidencia da Deputación, trala tramitación previa do oportuno expediente contradictorio con audiencia da entidade interesada.

2º) Someter o programa inicialmente aprobado ao trámite de información pública por prazo de dez días hábiles, mediante anuncio no Boletín Oficial da Provincia, de conformidade co establecido no artigo 10 da Ordenanza xeral de subvencións da Deputación Provincial de Ourense. Durante o dito prazo, as persoas ou entidades interesadas poderán formular as alegacións, reclamacións ou suxestións que estimen oportunas, que deberán ser

obxecto de resolución expresa polo Pleno da Deputación. En caso de no formularse alegacións en prazo, se entendera automaticamente elevado a definitivo o acordo de aprobación inicial.

ANEXO I

Clasificación dos concellos para determinar a “Prioridade Demográfica” e os GRAOS

1. Criterios para determinar a “prioridade demográfica”

Os criterios que se teñen en conta para determinar a “prioridade demográfica” dos concellos da provincia aos efectos do programa benOurense SAF 2019, son os seguintes:

1. Poboación. Os concellos clasificaranse en :

- a. Ata 1.000 habitantes.
- b. De 1001 a 5.000 habitantes.
- c. De 5001 a 10.000 habitantes.
- d. De 10.001 a 20.000 habitantes

Para determinar a poboación para os efectos deste programa terase en conta a cifra oficial de poboación INE do último ano dispoñible.

2. Situación Xeográfica.

- a. Concellos pertencentes a “ áreas urbanas” do Atlas Estatístico das Areas Urbanas do Ministerio de Fomento.
- b. Concellos que non pertencen a unha “área urbana” do Atlas Estatístico das Areas Urbanas do Ministerio de Fomento.

3. Perda da poboación.

- a. Concellos que gañaron poboación na última década.
- b. Concellos que perderon poboación nunha porcentaxe menor ao 10% na última década
- c. Concellos que perderon entre un 10% e un 15% de poboación na última década.
- d. .Concellos que perderon máis dun 15% e menos dun 20% de poboación na última década.
- e. Concello que perderon un 20% ou máis de poboación na última década.

Os datos serán sempre tomados dos últimos dispoñibles e publicados polo INE.

4. Densidade demográfica municipal.

Neste índice tense en conta a relación entre a cifra de poboación municipal e a súa superficie, expresada en quilómetros cadrado. Para o dato de poboación terase en conta os últimos datos publicados polo INE. En atención a este criterio a clasificación será:

- a. Concello con densidade igual ou inferior a 10 habitantes/km².
- b. Concellos con densidade maior a 10 habitantes/km² e menor a 15 habitantes/km².
- c. Concellos con densidade igual ou maior a 15 habitantes/km² e menor a 20 habitantes/km².
- d. Concellos con densidade igual ou maior a 20 habitantes/km².

5. Índice de envellecemento.

Para o cálculo deste índice terase en conta a relación entre a cantidade de persoas adultas maiores e a cantidade de nenos e novos; calcularase o cociente entre persoas de máis de 64 anos –segundo as últimas cifras de poboación publicadas polo INE-, e as persoas menores de 15 anos e este cociente será multiplicado por 100 para obter este índice. Segundo o cal os concellos se clasificarán entre:

- a. Concellos cuxo índice sexa superior a 750.
- b. Concellos cuxo índice sexa igual ou superior a 600 e inferior ou igual a 750.
- c. Concellos cuxo índice sexa inferior a 600

6. Taxa de Natalidade.

Esta taxa obterase do cálculo de relacionar o número de nados vivos por cada 1000 habitantes en cada municipio, para o que se tomará a cifra media de nacementos do últimos tres anos (datos INE), e a poboación en igual período (datos INE), en atención ao que os concellos clasificaranse en:

- a. Taxa inferior a 2.
- b. Taxa igual ou superior a 2 e inferior a 3.
- c. Taxa igual ou superior a 3.

2.- Aplicación dos criterios para a clasificación dos concellos en graos

1. Concellos Sen Prioridade Demográfica: *GRAO 0*.

Serán considerados “concellos sen prioridade demográfica” ou en grao 0 , aqueles incluídos nunha “área urbana”, en aplicación ao Atlas Estatísticos das Áreas Urbanas de España do Ministerio de Fomento ou que cumpran, algunha das seguintes condicións:

- a. Ter unha poboación maior a 10.000 habitantes.
- b. Ter unha poboación entre 5.000 e 10.000 habitantes e que na última década gañasen poboación.

2. Concellos Con prioridade Demográfica. GRAO 1.

Serán considerado “con prioridade demográfica” os concellos que non están incluídos nunha “área urbana” e que cumpran, ademais, algunha das seguintes condicións:

- A. Poboación igual ou inferior a 5.000 habitantes.
- B. Poboación maior a 5.000 habitantes que presentan perda de poboación na última década.

Cando un concello é clasificado como de “prioridade demográfica”, automaticamente considéraselle en GRAO 1. Para ser clasificado de Grao 2 ou de Grao 3, terán, ademais de ser considerados “ con prioridade demográfica”, ou grao 1, cumprir as condicións do Grao 2, ou do Grao 3.

En todo caso, se un mesmo concello pode ser clasificado en mais dun grao, consideraráselle sempre no grao superior por ser de condicións máis vantaxosas.

GRAO 2.

Concellos con prioridade demográfica, que ademais cumpre algunha das seguintes realidades:

- a. Concellos de menos de 1.000 habitantes que na última década perdese entre un 15% e un 20% da súa poboación.
- b. Concellos de menos de 1.000 habitantes que teñan unha densidade de poboación superior a 10 habitantes/km² e inferior a 15 habitantes/km²
- c. Concellos de menos de 1000 habitantes cunha taxa de envellecemento superior a 750.
- d. Concellos de menos de 1.000 habitantes cun índice de natalidade inferior a 3.
- e. Concellos de máis de 1.000 habitantes que na última década perdesen máis de 15% da súa poboación.

- f. Concellos de mais de 1.000 habitantes que presentan unha densidade de poboación menor de 15h/km²
- g. Concellos de mais de 1.000 habitantes cunha taxa de envellecemento superior a 750.
- h. . Concellos de mais de 1.000 habitantes cun índice de natalidade menor a 2.

GRAO 3.

Concellos con prioridade demográfica que, ademais, cumpren algunha das circunstancias seguintes:

- a. Concellos de menos de 1.000 habitantes, cunha perda de poboación na última década maior ao 20%.
- b. Concellos de menos de 1.000 habitantes, cunha densidade de poboación menor a 10 h/km².
- c. Concellos de menos de 1.000 habitantes, cunha perda de poboación na última década maior ao 15% e menor do 20% e onde ademais cúmprese algunha das seguintes características:
 - a. Teñen unha taxa de envellecemento superior a 750 e/ou
 - b. Teñen unha taxa de natalidade inferior a 2

ANEXO II

CLASIFICACIÓN DE CONCELLOS

	ENTIDADE LOCAL	CLASIFICACIÓN RETO DEMOGRÁFICO
1	Allariz	Sen prioridade
2	Amoeiro	Grao 1
3	Arnoia, A	Grao 1
4	Avión	Grao 2
5	Baltar	Grao 2
6	Bande	Grao 2
7	Baños de Molgas	Grao 2
8	Barbadás	Sen prioridade

9	Barco de Valdeorras, O	Sen prioridade
10	Beade	Grao 3
11	Beariz	Grao 2
12	Blancos, Os	Grao 3
13	Boborás	Grao 3
14	Bola, A	Grao 1
15	Bolo, O	Grao 2
16	Calvos de Randín	Grao 3
17	Carballeda de Avia	Grao 2
18	Carballeda de Valdeorras	Grao 1
19	Carballiño, O	Sen prioridade
20	Cartelle	Grao 2
21	Castrelo de Miño	Grao 2
22	Castrelo do Val	Grao 2
23	Castro Caldelas	Grao 2
24	Celanova	Grao 1
25	Cenlle	Grao 2
26	Chandrexa de Queixa	Grao 3
27	Coles	Sen prioridade
28	Cortegada	Grao 2
29	Cualedro	Grao 2
30	Entrimo	Grao 1
31	Esgos	Grao 2
32	Gomesende	Grao 3
33	Gudiña, A	Grao 2
34	Irixo, O	Grao 2
35	Larouco	Grao 3
36	Laza	Grao 2
37	Leiro	Grao 2

38	Lobeira	Grao 2
39	Lobios	Grao 1
40	Maceda	Grao 1
41	Manzaneda	Grao 3
42	Maside	Grao 1
43	Melón	Grao 2
44	Merca, A	Grao 1
45	Mezquita, A	Grao 2
46	Montederramo	Grao 3
47	Monterrei	Grao 1
48	Muíños	Grao 2
49	Nogueira de Ramuín	Grao 2
50	Oímbra	Grao 1
51	Ourense	Sen prioridade
52	Paderne de Allariz	Grao 1
53	Padrenda	Grao 2
54	Parada de Sil	Grao 2
55	Pereiro de Aguiar	Sen prioridade
56	Peroxa, A	Grao 2
57	Petín	Grao 2
58	Piñor	Grao 1
59	Pobra de Trives, A	Grao 2
60	Pontedeva	Grao 2
61	Porqueira	Grao 3
62	Punxín	Grao 2
63	Quintela de Leirado	Grao 2
64	Rairiz de Veiga	Grao 2
65	Ramirás	Grao 2
66	Ribadavia	Grao 1

67	Ríos	Grao 2
68	Rúa, A	Grao 1
69	Rubiá	Grao 1
70	San Amaro	Grao 2
71	San Cibrao das Viñas	Sen prioridade
72	San Cristovo de Cea	Grao 2
73	San Xoán de Río	Grao 3
74	Sandiás	Grao 1
75	Sarreaus	Grao 2
76	Taboadela	Grao 1
77	Teixeira, A	Grao 3
78	Toén	Grao 1
79	Trasmiras	Grao 2
80	Veiga, A	Grao 2
81	Verea	Grao 2
82	Verín	Sen prioridade
83	Viana do Bolo	Grao 2
84	Vilamarín	Grao 1
85	Vilamartín de Valdeorras	Grao 2
86	Vilar de Barrio	Grao 2
87	Vilar de Santos	Grao 2
88	Vilardevós	Grao 2
89	Vilariño de Conso	Grao 3
90	Xinzo de Limia	Sen prioridade
91	Xunqueira de Ambía	Grao 2
92	Xunqueira de Espadanedo	Grao 2

ANEXO III

CADRO CONTÍAS SAF BÁSICO 2019

	ENTIDADE LOCAL	TOTAL CONTÍA
1	Allariz	18.281,80
2	Amoeiro	9.027,99
3	Arnoia, A	5.737,05
4	Avión	8.525,58
5	Baltar	6.085,74
6	Bande	13.700,67
7	Baños de Molgas	7.885,22
8	Barbadás	16.578,23
9	Barco de Valdeorras, O	37.413,32
10	Beade	5.110,49
11	Beariz	6.153,29
12	Blancos, Os	6.193,96
13	Boborás	10.417,07
14	Bola, A	6.380,11
15	Bolo, O	6.034,41
16	Calvos de Randín	6.210,17
17	Carballeda de Avia	7.163,81
18	Carballeda de Valdeorras	7.385,22
19	Carballiño, O	37.929,65
20	Cartelle	10.749,26
21	Castrelo de Miño	7.404,28
22	Castrelo do Val	6.277,58
23	Castro Caldelas	11.683,23
24	Celanova	17.739,00
25	Cenlle	6.677,46
26	Chandrexa de Queixa	7.114,42
27	Coles	10.313,82

28	Cortegada	6.539,67
29	Cualedro	8.150,01
30	Entrimo	10.464,52
31	Esgos	6.618,02
32	Gomesende	6.102,10
33	Gudiña, A	12.074,11
34	Irixo, O	7.604,22
35	Larouco	5.275,31
36	Laza	7.096,26
37	Leiro	7.825,78
38	Lobeira	8.701,21
39	Lobios	14.316,56
40	Maceda	10.900,43
41	Manzaneda	9.711,87
42	Maside	10.557,28
43	Melón	6.888,21
44	Merca, A	8.198,50
45	Mezquita, A	10.018,84
46	Montederramo	8.791,41
47	Monterrei	10.173,61
48	Muños	13.045,00
49	Nogueira de Ramuín	8.993,01
50	Oímbra	7.912,10
51	Ourense	0,00
52	Paderne de Allariz	6.820,52
53	Padrenda	8.466,14
54	Parada de Sil	7.238,56
55	Pereiro de Aguiar	18.827,59
56	Peroxa, A	8.639,06

57	Petín	5.988,47
58	Piñor	6.166,66
59	Pobra de Trives, A	17.054,66
60	Pontedeva	5.040,10
61	Porqueira	6.291,23
62	Punxín	5.426,47
63	Quintela de Leirado	5.161,68
64	Rairiz de Veiga	7.093,56
65	Ramirás	7.687,98
66	Ribadavia	16.766,31
67	Riós	7.847,40
68	Rúa, A	15.047,88
69	Rubiá	6.950,21
70	San Amaro	6.504,54
71	San Cibrao das Viñas	9.003,39
72	San Cristovo de Cea	9.555,01
73	San Xoán de Río	7.536,82
74	Sandiás	6.407,13
75	Sarreaus	6.796,35
76	Taboadela	6.939,41
77	Teixeira, A	6.137,22
78	Toén	6.211,24
79	Trasmiras	7.085,45
80	Veiga, A	5.950,65
81	Verea	6.083,04
82	Verín	37.995,85
83	Viana do Bolo	22.186,51
84	Vilamarín	8.241,73
85	Vilamartín de Valdeorras	8.285,11

86	Vilar de Barrio	7.174,62
87	Vilar de Santos	5.796,64
88	Vilardevós	8.825,49
89	Vilariño de Conso	7.517,91
90	Xinzo de Limia	28.681,51
91	Xunqueira de Ambía	7.385,37
92	Xunqueira de Espadanedo	5.542,66
		900.489,00

ANEXO IV

CONSENTIMENTO EXPRESO DE CONSULTA DE DATOS

A presente autorización outórgase para os efectos do recoñecemento, seguimento e control das subvencións recollidas no programa BenOurense SAF básico da Deputación de Ourense. A/s persoa/s abaixo asinantes, actuando en nome e representación das entidades locais solicitantes AUTORIZAN á Deputación Provincial de Ourense a consultar e/ou solicitar a calquera administración ou organismo público, a información que se enumera a continuación que sexa necesaria para o recoñecemento, seguimento e control do dereito para percibir subvención para o programa BenOurense SAF Básico

AUTORIZO a solicitar/consultar que a entidade á que represento se atopase ao día nas súas obrigas coa Axencia Estatal de Administración Tributaria para o pago anticipado e para o pago final previstos nas bases reguladoras do programa.

AUTORIZO a solicitar /consultar que a entidade á que represento se atopa ao día en obrigacións de seguridade social para o pago anticipado e para o pago final previstos nas bases reguladoras do programa.

AUTORIZO a solicitar/ consultar que a entidade local á que represento se atopa ao día nas súas obrigas coa Consellería de Facenda da Xunta de Galicia para o pago anticipado e para o pago final previstos nas bases reguladoras do programa.

Asdo. D/D^a.....

Alcalde/alcaldesa do Concello de

Presidente/presidenta da Mancomunidade de

E para que conste, -nos termos do artigo 206 do vixente ROF-, expido este certificado en Ourense, o vinte e un de decembro de dous mil dezaioito.

V. e pr.

O PRESIDENTE,